

AWE Mainta

E DIFERENCIA DEN NOTICIA



SIMAN CRUCIAL PA VARIOS MAYOR PA PREPARA PA SCOL



**INFLACION LO
NO BAHAM SI NO TIN
CONTROL DI PRIJS**

**PROME BISHITA DI
TRABOU DI SECRETARIO DI
ESTADO NOBO DI RELACIONNAN
DI REINO SEÑOR ZSOLT SZABÓ**

**PUEBLO TA HAYA E
GOBIERNO CU E MERECE**





Awo cu 2 florin mas, bo por gana e **MEGA PLUS**


* Afl. **825.000,-**






* Afl. 550.000,- + Afl. 275.000,-
extra

Benta ta sera 7:30 pm y sorteo ta hunga 7:45 pm



HUNGA AWO





Stop Searching!

Tel. 583-7072 | info@vcc-int.com | www.vcc-int.com

M-Files
Document Management

- System Neutral, Metadata Driven
- Cloud, On-Premises, or Hybrid
- Automated Workflows and Security
- Seamless Integration with: Microsoft Office, Dropbox, GoogleDrive, DocuSign, AdobeSign



VCC
International NV

Siman crucial pa varios mayor pa prepara pa scol

TA resta cinco dia pa estudiante- y mayornan regla tur asunto pa inicio di un año nobo di scol caminda tin cu señala lamentablemente, cu no tur mayornan a logra nan obhetivo di tin tur cos cla pa manda nan yiunan scol.

Tin mucha- y hobennan cu no tin suficiente fondo pa cumpra un serie di uniform cu lo cubri cinco dia di siman pero nan lo complementa e siman cu algun uniform di e ultimo temporada di scol y asina logra e meta aki.

AWEMainta den combersacion c'un maestro di scol a señala cu mientras cu e sector comercial a bin ta dunando un man hopi bon na yuda studiantenan haya tas nobo, uniform nobo hunto cu varios otro material cu ta necesario, tin un grupo grandi di maestro kendenan tambe ta duna di nan parti pa yuda studiantenan di nan scol.

Por ehempel tin un maestro kende a bay di vacacion na Florida, a dicidi di cumpra mas c'un dozijn di jeans pa studiantenan cu ya el a yuda den pasado y a haci e meta algo tradicional, hasta esunnan cu ya no ta den su klas mas pero cu ta sigui cu falta di suficiente paña pa atende scol den un forma aceptabel.

Te ainda hopi mayor di diferente districto, no a logra di

acumula suficiente placa pa cubri e placa anual di scol y ainda e siman aki nan ta bendiendo rifa y ta bende 'snackbox' pa trata di cubri e gasto aki pero tin cu menciona cu mayoria di scol ta flexibel pa cu e pago di e placa aki y na luga di prohibi e muchanan entrada pa e scol, nan ta yega na palabracion cu mayornan p'asina nan sigui cumpli p'e pago aki tur luna.

Fuera di e gruponan ariba menciona, tambe AWEMainta y mayornan cu a cera cabes y a dicidi di yuda un grupo di 10 pa 15 mucha y studiantenan tanto cu fondo pa paga parti di placa di scol pero tambe a yuda aporta na material cu nan tin mester pa inicia e año escolar nobo.

E ultimo dlanan aki di vacacion tin varios actividad tumando luga pa muchanan di scol cu lo bishita diferente sitio pa pasa nan ultimo dlanan liber den un ambiente placentero pa prepara p'e año nobo cu ta bay inicia dialuna venidero.

Den un caso lamentabel antisocialnan a dreña un cas den e bario di Noord segun informacion ricibi y entre loke e ladronnan a bay cu ne, ta dos tas cu tabata contene material nobo pa scol loke a laga e mayor y e muchanan hopi decepciona. Sinembargo aki dos bisiña a dicidi di duna un man y e dia siguiente mes a sali cu e muchanan y a cumpra tas y loke nan tabatin mester pa acudi na scol otro siman.

Inflacion lo no baha si no tin control di prijs



KEHONAN ta sigui dreña, practicamente tur siman relaciona cu loke consumidonan tin cu paga pa necesidadnan di cas, ya cu e falta di control di parti di gobierno, no ta existi.

Prijs di cuminda ta sigui subi manera un spring, caminda den cuestion di un siman, algo cu tabata costa 4.90 siman pasa, den fin di siman cu ta tras di lomba esaki a sorprende tur cliente cu e mesun articulo aki, nan tin cu paga awor 6.10, cu sin duda ta pisa hopi pa principalmente esunnan den entrada abou.

Mientras cu gobierno ta papiando di reduccion di gasto pa

loke ta cuido medico, ta dificil pa un comunidad come den forma saludabel si loke nan tin mester pa logra bon salud, ta entre esunnan di mas caro cu aumento practicamente tur siman.

Un awacati berde, duro y hopi machica ta ser bendi pa 5.20 cu ta muestra cu e negoshinan aki no tin compasion cu clientenan, mientras cu practicamente tur paki di juice cu mayornan tabata cumpra pa nan yiunan hiba scol, a conoce aumento di mas cu 50% y tur esaki ta afecta e situacion financiero di famianan rond di e isla.

EDITORIAL

AWEMainta:

Na caminda pa 5000 lector pa dia cu un team dinamico y innovativo

DESPUES di 3,5 aña di esfuerso intensivo y colaboracion cu un team nobo y dinamico, AWEMainta ta na punto di alcanza un logro importante: 5000 lector promedio pa dia.

Cu un enfoke fuerte riba innovacion, actualidad y integridad, AWEMainta ta sigui desaroya y adapta su mes n'e mundo di noticia y media cu ta cambiando constantemente.

Un Team cu Ta Lucha pa Perfeccion

Aunke e team ta chikito, e ta consisti di profesionalnan cu experiencia profundo y conocimiento di e industria di noticia na Aruba. Entre nan tin coleganan cu mas di 30 aña di experiencia den e ramo, loke ta significa cu no tin falta di experticio den e team. Esaki ta haci posibel pa AWEMainta no solamente participa den e mundo competitivo di noticia, pero tambe pa hunga un rol di lider.


Desafionan den e Industria di Noticia

Na comienso di e trayecto aki, a haci un analisis profundo di e estado di e mundo di noticia y e percepcion di plataforma di noticia. E resultadonan tabata preocupante: tin hopi escepticismo tocante e confiabilidad di fuentenan di noticia, y hopi biaha hende ta pensa cu organisacionnan di noticia no ta neutral y ta wordo influencia pa partidonan politico. Pa AWEMainta esaki tabata un reto cla pa demostra cu noticia por ta diferente.

P'esey cada publicacion di AWEMainta ta wordo analisa cuidadosamente pa asegura cu no tin agendanan escondi. Esaki ta un proceso cu ta tuma tempo, pero ta esencial pa gana y mantene e confiansa di nos lectornan. Danki n'e trabou duro aki, AWEMainta awor tin un promedio di 34+ pagina pa dia, cu mas di 50 pagina riba diasabra. E meta ta pa yena por lo menos 28 pagina cu contenido original y propio p'asina evita cu e noticianan ta ripiti y pa ofrece un balor unico na nos lectornan.

E Era di Contenido di Media

Den un tempo cu corantnan ta birando menos relevante, AWEMainta a logra construi un publico fiel di lector.



Sinembargo, e lectornan aki tin expectativanan halto: articulonnan mester wordo controla profundamente, mester tin profundidad y opinionnan mester keda claramente separa di hechonan. E input di e lectornan ta di balor incalculabel den esaki; nan sugerencianan ta yuda determina e direccion y contenido di e articulonnan.

E mundo di noticia ta cambiando rapidamente y nos ta moviendo den direccion di un era unda contenido di media ta birando cada bes mas importante. AWEMainta ta haci su maximo esfuerso pa keda relevante den e era nobo aki door di mantene su norma y balornan, a pesar di e tentacion pa sigui sensacionalismo.

Mirando Padilanti: E Logro di 5000 Lector

Alcanza 5000 lector promedio pa dia no ta un tarea facil, pero cu e sosten di e bon lectornan di AWEMainta y e trabou duro di un team dedica, AWEMainta ta determina pa logra e meta aki. E brand AWEMainta ta existi pa casi 20 aña caba, pero e nucleo di e exito actual ta sinta den e colaboracion fuerte den e team y e ambiente di trabou unda tur hende ta para pa otro.

AWEMainta ta cla pa futuro, y cu dedicacion y e sosten di nos lectornan, e barera di 5000 sigur lo wordo kibra. E storia di AWEMainta ta un ehempel di con perseverancia, innovacion y integridad por hiba na exito, hasta den un industria desafiante y cu ta cambiando rapidamente.

Prome bishita di trabou di Secretario di Estado nobo di Relacionnan di Reino señor Zsolt Szabó

DIALUNA mainta 12 di augustus, Prome Minister Evelyn Wever-Croes a reuni cu e Secretario di Estado nobo di Relacionnan di Reino y Digitalisacion, señor Zsolt Szabó. Recientemente ya e dos mandatarionan a cera conoci via un reunion virtual, pero esaki tawata e prome biaha cu Prome Minister y e Secretario di Estado a topa personalmente.

Secretario di Estado Szabó a wordo acompaña pa un delegacion di Hulanda y tambe tawata presente representante di VNO (Vertegenwoordiging van Nederland in Oranjestad), señor Vincent Storimans, y representante di VNACS (Vertegenwoordiging van Nederland in Aruba, Curaçao en Sint Maarten), señor Edson Hato.

Despues di e reunion cu Prome Minister, a sigui un reunion cu Consejo di Minister di Aruba y despues a duna un presentacion di e Landspakket na e Secretario di Estado.

Ademas di e reunion cu Prome Minister di Aruba y Consejo di Minister, Secretario di Estado Szabó tambe a reuni durante su bishita na Aruba cu Gobernador di Aruba, S.E. Alfonso Boekhoudt, cu Presidente di Parlamento señor Edgard Vrolijk y lidernan di fraccionnan den Parlamento.

Esaki ta e prome bishita di trabou di e Secretario di Estado nobo na e islanan di Reino den e parti Caribeño. E prome bishita aki ta principalmente pa e Secretario di Estado conoce e islanan y e mandatarionan. Secretario di Estado Szabó ta na Aruba for di 11 pa 13 di augustus y despues lo biaha pa Corsou y Boneiro.

BON IMPRESION DI ARUBA

Secretario di Estado Szabó a expresa di ta impresionado con Prome Minister ta wak e futuro di Aruba, esaki cu un punto di bista riba termino largo cual ta algo cu su persona tambe ta haci na Hulanda.

“Secretario di Estado Szabó a remarca cu e ta hopi agradecido na Aruba pa e hospitalidad. El a conoce y combersa cu hopi hende amabel y esey a dun’e diferente perspectiva riba varios punto importante. E reunionnan a bay hopi bon. A haci palabracionnan di con den futuro lo bay traha y comunica cu otro, sperando cu lo sigui cu e bon relacion di trabou y cooperacion entre e dos paisnan”, Prome Minister a indica.



Pueblo ta haya e gobierno cu e merece

ARUBA ta na un crusada. E retonan cu e isla ta enfrenta riba tereno di maneho financiero, gobernacion y bienestar social ta grandi. E clave pa mehoracion no ta solamente cerca reformadonan di gobierno of forsa externo, pero tambe den e dedicacion y consenshi propio di e poblacion mes.

Aki ta pakico consenshi propio, educacion y participacion activo ta crucial p'e futuro di Aruba, y con e habitantenan mes por haci e diferencia.

Consenshi Propio y Educacion

E prome cos cu cada Arubiano por haci y e mas importante, ta bira consciente di e situacion actual. Esaki ta nifica siña mas tocante e problemanan real cu ta afecta e isla. Lesa tocante e retonan economico, e estado di e servicionan publico y e dinamica politico ta yuda pa haya un bista mas cla di e situacion. Solamente door di ta bon informa, ciudadanonan por tuma decision y accionnan efectivo.

Participacion Activo y Responsabilidad

Arubianonan mester asumi nan responsabilidad door di participa activamente den e debate publico y e proceso politico. Esaki ta implica laga bo bos wordo scucha, haci pregunta, y no acepta ciegamente loke ta wordo presenta. Participacion activo den reunionnan municipal, participa den debatenan contra mal escogencia di maneho, y sigui decisionnan politico criticamente ta pasonan esencial pa promove cambio. Keda keto y sinta warda no ta un opcion mas; esun cu no ta cuestiona, ta acepta.

Norma y Balornan Etico

Pa realmente logra cambio, e habitantenan mester actua segun norma y balornan etico halto. Esaki ta nifica cu nan no solamente mester existi cu gobierno ta transparente y responsabel, pero tambe nan mes mester ta un ehempel. Resistencia contra corrupcion y faboritismo ta cuminsa cu integridad personal y tumamento di decisionnan etico den propio bida y accionnan. E integridad di e sociedad ta depende di e dedicacion di cada miembro individual.

Pensamento Critico y Resistencia Contra Manipulacion

Un otro aspecto crucial ta pa keda critico y no wordo manipula pa politiconan cu agenda scondi. Mucho biaha decision ta wordo influencia pa interesnan a corto plaso, manera oferta di trabou,

placa of otro beneficianan. Ciudadanonan mester ta alerta riba tal manipulacion y no laga nan mes wordo cumpra. Ta importante pa evalua lidernan basa riba nan accionnan y nan contribucion real n'e mehoracion di Aruba.

Fiha Metanan y Colabora

Tambe ta importante pa tin claridad riba unda nos kier bay como sociedad. Cua t'e metanan p'e futuro di Aruba? Ken por yuda pa logra e metanan aki? Formula un vision pa futuro y busca partnernan cu ta comparti e vision aki, por yuda den realisacion di cambio real. Colaboracion cu organisacion local, gruponan social y otro stakeholders por ta mas poderoso cu esfuersonan individual.

Aruba ta para dilanti escogencia y retonan importante. Door di bira consciente di e situacion, participa activamente den e bida publico, actua eticamente, pensa criticamente y traha hunto na metanan comun, e poblacion mes por hunga un rol significativo den mehora e futuro di e isla. Ta tempo pa accion y cambio – un responsabilidad cu ta di nos tur. *“E pueblo ta haya e gobierno cu e merece.”*

**Truck Driver/
Lumber Yard
Attendant**

Rijbewijs C Valido

Benefician adicional:

- * Bonus fin di año
- * Seguro di bida
- * Seguro dental
- * Seguro di bista
- * Bonus pa perfect attendance
- * Descuento den full tienda
- * Programa di 'wellness'
- * Pension regla

APPLY NOW hr@doit.aw

**SUPER
Do it Center**

éxito

Gobernacion MEP-RAIZ

Siman ta habri y tur loke falta ta un mocion di desconfiansa

TA bisto cu tin un crisis grandi den Gabinete Wever Croes II y practicamente henter pueblo ta na altura cu cosnan no ta bon entre e partnernan di e actual gobierno MEP y RAIZ pero ayera mainta e propio miembronan di fraccion di MEP a confirma cu nan no ta sostene maneho di Minister Ursell Arends.

Representante di taxistanan tabatin un programa hopi yen dialuna mainta cu reunion cu entre otro fraccion di AVP caminda na mes momento partido MEP, no Gabinete Wever Croes II loke t'e custumber riba tur dialuna, a duna un conferencia di prensa caminda principalmente a atende e forma di procede di Minister Ursell Arends, contra di e taxistanan

Hendrik Tevreden di fraccion di MEP den forma 'cla y raspa' a confirma cu Minister Ursell Arends ta papia cosnan sin sentido y cu loke el a trece dilanti den su conferencia di prensa siman pasa, no ta corecto mustrand cu e mandatario di RAIZ ningun momento a haya aprobacion total for di Parlamento p'e cambianan di ley cu e kier introduci. Analisando cierto expresionnan cu parlamentario Hendrik Tevreden a señala ayera mainta, dado momento el a cuestiona e falta di transparencia demostra pa Minister Arends, ya cu ningun momento e Minister a presenta especificamente e cambianan cu el a propone den e ley cu e kier introduci pa loke ta permiso di taxi.

Ta mesun parlamentario di MEP aki durante di un accion di taxistanan dilanti di edificio di gobierno siman pasa, a dal un buelta entre e hendenan aki y lo a haci e observacion,: "boso para duro" mustrand bon cla cu su persona no ta sostene e cambianan di ley cu e mandatario ta propone.

Ta bisto cu varios miembro di fraccion di MEP no ta haya nan mes riba mesun liña di pensamiento cu e mandatario encarga cu transporte publico y cu duna sosten siman pasa n'e accion di taxistanan, directo of indirecto pero cu tin un problema serio pa loke ta confiansa den e mandatario cu su partido ta partner d coalicion ta un hecho.

Na mes momento Tevreden a menciona cu fraccion di MEP ta sperando riba presidente di e comision di transporte di Parlamento kende ta parlamentario Raymond Kamperveen y ayera a señala riba e fecha di 16 di augustus cu ta diabierna venidero pero aki mester mira si tur miembro di e comision di transporte aki, lo por ta presente ya cu ta diabierna venidero oficialmente "reces" di Parlamento ta termina.

No a solamente Parlamentario Tevreden pero entre otro Parlamentario Marco Berlis tambe a dirigi un serie di pregunta na Minister Arends cu ta mustra bon cla cu e ta cuestiona y cu no tin confiansa den maneho di Minister Arends.

Esey no ta solamente su maneho pa loke t'e asunto di permiso di taxistanan pero tambe den pasado a cuestiona e maneho di desperdicio di cas, e decision di a dal dump na candal sin cu e mandatario tabatin un alternativa adecuado y pagabel pa pueblo.

No tin un relacion 'politicamente sano' den e coalicion actual caminda dia pa dia e falta di confiansa pero tambe e falta di respet pa Minister Arends, ta sigui crece mientras cu di otro banda e respet y confiansa den e otro minister di RAIZ, Minister Geoffrey Wever, ta sigui crece.

Na 2020 caba partido MEP a dicidi di bay gobernador y oficialisa salida di Minister di Infraestructura, Marisol Tromp for di Gabinete Wever Croes I, loke a bisa posibel cu sosten di fraccion di RED den Parlamento pero e situacion actual cu e lider di RAIZ ta cu fraccion di MEP no ta sinti cu fraccion di RAIZ, esta Raymond Kamperveen y Raymicheline Raymond, lo coopera pa baha nan lider for di su posicion como Minister den Gabinete Wever II.

We Are HIRING

JOIN OUR TEAM

Open Position :

- Pool & Beach Attendant
- Laundry Attendant
- Room Attendant
- Houseman
- Security Guard

Requirements:

Good team player
Attention to details
Ability to follow instructions
Flexibility
Customer Service
Good communication
Hotel experience preferred

We offer:

Competitive Salary
Dental & Vision Insurance
Attendance Incentive
Life Insurance
Wellness Program
Vacation Saving Program



To apply:

Submit your resume at humanresources@paradisebeach.aw
For more information, please contact our Human Resources Department at 525-4000 Ext.4093

Pakico puntonan importante di e landspakket no ta wordo implementa?

Consecuencianan pa Aruba

ARUBA ta bou presion pa ehecuta reformanan importante manera palabra den e Landspakket cu Hulanda. E reformanan aki ta destina pa stabilisa e economia y mehora e finansa publico. Sinembargo, ta parece cu tin un gap creciente entre e plannan acorda y e ehecucion real. Esaki ta lanta e pregunta: pakico e puntonan crucial aki no ta wordo implementa y ki consecuencianan esaki tin p'e poblacion?

1. Pakico e Reformanan Financiero No Ta Wordo Completamente Ehecuta?

E Landspakket ta premira reduccion di gasto y reformanan fiscal pa pone e presupuesto na ordo. A pesar di e necesidad aki, preguntanan ta keda pakico e reduccion y medidanan fiscal proponi no ta wordo completamente implementa. Tin consideracion politico of otro bareranan cu ta stroba e ehecucion? Kico t'e consecuencianan di e falta di e medidanan aki p'e estabilidad economico di Aruba?

2. Pakico e Reformanan den Sector Publico Ta Wordo Retrasa?

Un otro punto importante di e Landspakket ta e restructuracion y mehoracion di eficiencia di e sector publico. A pesar di e necesidad pa mehora servicionan gubernamental y baha gastonan, ta parece cu e progreso ta slow. Ki desafionan e gobierno ta enfrenta den ehecuta e reformanan aki? Kico ta e consecuencia p'e calidad di e servicio y e confiansa di e poblacion den gobierno?

3. Pakico e Combate di Pobreza Ainda No Ta Wordo Atendi Efectivamente?

E Landspakket ta pone enfasis riba reduci pobreza y desigualdad social. A pesar di e prioridad aki, hopi Arubiano ta sigui lucha cu problemanan economico. Pakico e programanan y maneho pa combatimento di pobreza no ta wordo implementa completamente of efectivamente? Ki impacto esaki tin riba e calidad di bida di e gruponan vulnerabel den sociedad?

4. Pakico Enseñansa y Cuido Medico Ta Keda Atras?

Inversionnan den enseñansa y cuido medico ta crucial p'e desaroyo a largo plaso di Aruba. A pesar di e promesanan, ta keda scarsedad y ineficiencia den e sectornan aki. Pakico e inversion y reformanan necesario no ta wordo ehecuta? Con esaki ta afecta e futuro di hobennan Arubiano y e acceso na bon cuido medico?

5. Pakico No Tin Mas Inversion den Reformanan Legal y Institucional?

Adaptacion legal y reformanan institucional ta esencial pa mehora funcionnan gubernamental y sostene crecimiento economico. Kico ta stroba gobierno di ehecuta e cambionan aki? Kico t'e consecuencia di e falta di e reformanan aki p'e estado di derecho y e eficiencia di gobierno?

E Pregunta Urgente pa Responsabilidad

E falta di implementacion di e puntonan importante for di e Landspakket tin consecuencianan grandi pa e poblacion Arubiano. For di inseguridad economico te na deficiencia den servicionan esencial, e consecuencia ta notabel den e bida diario di e Arubianonan. Ta di importancia crucial cu gobierno ta duna cuenta y ta transparente tocante e motibo p'e retrasonan y falta di e reformanan aki. Solamente door di contesta e preguntanan aki y tuma accion, Aruba por realisa e mehoracion priminti y garantiza un futuro stabiel y husto pa tur habitante.



Avigilon ALTA

Boost Business Security

- Seamless Cloud-Based Camera
- AI-powered analytics for real-time insights
- Remote management from anywhere, anytime
- Scalable security for single or multi-locations
- Unify your security with one powerful system!

To learn more, email us at sales@setar.aw

LIMITED TIME: Receive 50% discount on Installation*

*Special on installation of Avigilon ALTA camera is valid until August 31, 2024, only on labor.





EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 6 september 2024 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 jo. 3:254 van het Burgerlijk Wetboek van Aruba:

LeVent Condominiums Unit # 505

bestaande uit het appartementsrecht, kadastraal bekend als Eerste Afdeling Sectie K complexaanduiding 4393-A appartementsindex 62, op de splitsingstekening aangeduid met het cijfer 62, welk appartementsrecht omvat:

a. het recht op het uitsluitend gebruik van de woonruimte met balkon en met een bergruimte op de vierde verdieping,
b. een één achtentwintig honderste procent (1.28 %) oftewel een eenhonderd drieëntwintig / negenduizend zeshonderd dertiende onverdeeld aandeel (123/9613^e) in de gemeenschap, ten tijde van de splitsing bestaande uit het recht van erfpacht tot elf november tweeduizend negenenzeestig op een perceel domeingrond groot elf duizend driehonderd eenentachtig vierkante meter (11.381 m²) gelegen te Eagle in Aruba, kadastraal bekend als **Eerste Afdeling Sectie K nummer 3981**;
met de zich daarop bevindende appartementengebouwen en andere bouwwerken met aanverwante sport- en recreatiefaciliteiten en voorzieningen, plaatselijk bekend als "**LeVent Condominiums**" te "J.E. Irausquin Boulevard 244" in Aruba;

Inzetprijs: **US\$ 700.000,--**

Een onherroepelijk en onvoorwaardelijk onderhands bod kan worden uitgebracht tot uiterlijk donderdag 22 augustus 2024 ten kantore van Newleaf Notary, J.E. Irausquin Boulevard 22 te Aruba, of via email: auction@newleafaruba.com

Iedere bieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Prome Minister a reuni cu CMO Lo tuma decision riba frontera cu Venezuela prome cu 24 di augustus

DIAHUEBS mainta, Prome Minister Evelyn Wever-Croes, a sostene un reunion cu hefe di Crisis Management Office (CMO), Rino Hermans, pa ricibi un update riba e situacion di e frontera cu Venezuela.

Durante e reunion, Prome Minister y Hermans, a discuti den detaye e situacion di e frontera cu Venezuela, un cuestion cu a capta e atencion y e preocupacion tanto di e gobierno di Aruba como e gobierno di Hulanda, kendenan ta monitor e desaroyonan di e pais bisña di cerca. CMO ta lidera e maneho necesario pa brinda recomendacion na gobierno encunto e situacion di e frontera, incluyendo e posibilidad y e momento adecua pa su reapertura.,

Hermans a probecha e reunion pa update e Prome Minister riba e avance nan realiza p'e diferente departamentonan relaciona cu e situacion aki. Desde 2019, e peticion di gobierno di Aruba, Reino Hulandes a ofrece asistencia financiero, destina na mas di 11 miyon florin pa fortalece e seguridad na frontera y mehora e procesonan migratorio, evitando asina cu e gruponan grandi di persona drenta e pais sin e conocimiento di autoridad, manera a sosode prome cu 2019.

Prome Minister a expresa su orguyo p'e avancen nan logra danki n'e fondonan ricibi, destacando cu e sistema di control na frontera ta awo hopi mas sigur, loke ta prepara Aruba miho pa enfrenta cualkier eventualidad similar n'esunnan di pasado.

E situacion na Venezuela ta sigui ta tenso y e Gobierno di Aruba ta spera ricibi un recomendacion final di CMO riba e frontera, cual lo ta discuti den e Consejo di Minister. E frontera cu Venezuela lo keda cera te cu dia 24 di augustus, un decision cu a wordo tuma tres luna pasa. Despues, Parlamento lo wordo informa y e comunidad di Aruba lo ricibi un update riba e medidanan pa tuma relaciona cu e frontera di Venezuela.

E Prome Minister a reafirma su compromiso cu e seguridad di Aruba y su preparacion pa cualkier eventualidad, destacando e monitor continuo di e situacion na Venezuela y e colaboracion cu Reino di Hulanda pa fortalece e defensanan di e isla. Cu un enfoke den e estabilidad y e seguridad, Gobierno di Aruba lo continua evaluando cuidadosamente e situacion prome cu tuma cualkier decision riba e reapertura di e frontera.

Kico ta Publico.aw?



GOBIERNO tin e deber di informa Pueblo activamente tocante su maneho. E website di Publico.aw ta un proyecto piloto di Ministerio di Integridad pa percura pa Transparencia Activo den Gobernacion, dunando pueblo informacion gubernamental na un forma accesibel y innovativo.

Actualmente bo por haya hopi informacion di Ministerio di Transporte, Integridad, Naturalesa y Adulto Mayor. Por ehempel, e edificacionan cu e ministerio ta uza, cuanto ta paga na huur, gasto di personal di cada departamento, documento di maneho, rapport y mas. Tambe por wak e funcionnan na cada departamento di Gobierno.

Publico.aw ta habri pa tur ministerio, y e team di Publico.aw lo sigui haci esfuerso pa yega na mas informacion, pa sigui structura, amplia y desaroya Publico.aw como e standard nobo den transparencia gubernamental.

Si bo tin sugerencia of comentario, bo por haci uso di e formulario di contacto riba Publico.aw. Asina bo feedback por wordo considera den e desaroyo di e proyecto aki. Hunto nos por haci Publico.aw e sitio principal pa Gobierno di Aruba eherce #TransparenciaActivo.



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 6 september 2024 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

1. Een woonhuis plaatselijk bekend als

WAYACA 365

staande op een perceel eigendomsgrond ter grootte van ongeveer zevenhonderd zeven en twintig vierkante meter ($\pm 727 \text{ m}^2$), gelegen te Wayaca in Aruba, welk perceel afkomstig is van het moederperceel kadastraal bekend als Eerste Afdeling Sectie T nummer 40, thans bekend met index nummer D4276.

Inzetprijs: Afl. 1.130.000,00

2. Een woonhuis plaatselijk bekend als

HOOIBERG 17-A

staande op het recht van erfpacht tot 18 januari 2053 op een perceel domeingrond ter grootte van 832 m^2 , gelegen te Hooiberg in Aruba, kadastraal bekend als Eerste Afdeling Sectie R nummer 1401

Inzetprijs: Afl. 672.780,00

Een onherroepelijk en onvoorwaardelijk onderhands bod kan worden uitgebracht tot uiterlijk donderdag 22 augustus 2024 ten kantore van Newleaf Notary, J.E. Irausquin Boulevard 22 te Aruba, of via email: auction@newleafaruba.com

Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Un yamada pa accion

Urgencia den conservacion ambiental di Aruba

ARUBA, conoci pa su beachnan impresionante y bida marino vibrante, ta enfrentando presionnan ambiental creciente debi na practicanan di mal maneho. Mientras cu e actividadnan economico di e isla a impulsa crecimiento significativo, nan tambe a hiba na un variedad di retonan ambiental severo. Arubianonan preocupa, profundamente comprometi na conservacion ambiental, awor ta batiendo alarma tocante varios aspecto urgente cu ta menasa e salud ecologico di nos isla.

1. Perdida di Biodiversidad

Un di e problemanan mas urgente ta e perdida di biodiversidad. Desaroyo rapido y practicanan di mal maneho a hiba na destruccion di habitat extenso. Areanan natural ta wordo rosa pa varios proyecto, resultando den e perdida di especie di mata y animal nativo y ta interumpi ecosistema local. Adicionalmente, e bida marino delicado di e isla ta bou di menasa. Rifnan di coral, crucial pa biodiversidad marino, ta sufriendo di daño causa pa polucion y disturbio fisico. E impacto di anker y otro actividadnan ta pone e ecosistema vital bou di awa aki ainda mas den peliger.

2. Preocupacionnan di Maneho di Awa Residual

Otro peliger grandi ta relaciona cu maneho di awa residual. Aumento di desaroyo ta genera cantidadnan substancial di awa residual, y e facilidadnan di tratamiento di e isla ta luchando pa mantene. Maneho ineficiente di awa residual ta hiba na polucion di fuente natural di awa, impactando negativamente bida marino y comunidadnan local. Sistemanan di awa residual mal maneha ta afecta calidad di awa y ta forma riesgonan pa salud publico y e sostenibilidad a largo plaso di e isla.

3. Acumulacion di Desperdicio y Polucion

Mal maneho tambe a hiba na un aumento dramatico den acumulacion di desperdicio. Desperdicio solido, incluyendo plastic, cuminda, y materialnan di empake, ta wordo maneha inadecuadamente, resultando den sushedad y polucion di areanan natural.

4. Impacto riba suela y flora local

Erosion di suela causa pa construccion y desaroyo ta degradando e tera ainda mas. E eliminacion di vegetacion natural ta aumenta erosion, afectando calidad di suela y bida di mata local.

5. Impactonan Cultural y Social

E ritmo rapido di desaroyo tambe ta hibando na erosion



cultural. Practica tradicional y sitionan di herencia ta wordo comprometi mientras areanan ta wordo altera pa acomoda proyectonan nobo. Esaki no solamente ta menasa e integridad cultural di e isla pero tambe ta afecta acceso na recursonan natural.

6. Contribucion na Cambio Climatico

Finalmente, practicanan di mal maneho ta contribui na e 'carbonfootprint' di e isla. Actividadnan relaciona cu desaroyo y procesonan industrial ta aumenta emision di gas, empeorando cambio climatico global. Aumento di nivel di lama, un consecuencia directo di cambio climatico, ta forma un menasa significativa p'e areanan costero di Aruba. E efectonan combina di mal maneho y cambio climatico por empeora erosion costero y inundacion, poniendo e beyesa natural y infraestructura di e isla den peliger ainda mas.

Un Yamada pa Accion

Arubianonan cu ta genuinamente preocupa tocante conservacion ambiental ta resaltando e problemanan critico aki pa subraya e necesidad urgente pa accion efectivo. Ta esencial pa atende e riesgonan ambiental aki a traves di miho practica di maneho y esfuersonan robusto di conservacion. Gobernante, negoshinan, y e comunidad mester traha hunto pa implementa solucion cu ta proteha e recursonan natural di Aruba, preserva su biodiversidad, y sigura e salud ecologico di e isla pa futuro generacionnan. E tempo pa actua ta awor, prome cu e retonan ambiental aki bira irreversible.

MADBOR Consultancy

Documento Comercial y Support

- Oferta / Presentacion
- Programa di rekisitonan
- Citacion
- Informacion
- Contrato (*den concepto*)

Operacion

- Analisis di Proceso
- Descripcion di Proceso
- Descripcion di Protocol

Apoyo Empresarial

- Mediacion
- Consulencia/ Consejo
- Comercialisacion

Documentacion oficial (di e empresa) :

- Prepara
- Verifica
- Traduccion-4 idioma:
(*Inglés, Hulandes, Spaño, Papiamentu*)

Priva

- Scirbi carta (oficial) - 4 idioma
- Traha Curriculum Vitae
- Carta di solicitud
- Mediacion serca instancianan - 4 idioma

Ban 
Papia
+297-7456724

Turning **Ideas** into Breakthrough **Solutions**

Den medio di eleccionnan controversial y inversion di \$60 biyon

China ta apoya Nicolás Maduro na Venezuela



CHINA ta apoya presidente Venezolano Nicolás Maduro despues di su victoria den e eleccion di 28 di juli, a pesar di acusacion general di fraude electoral y e protestanan cu ta tumando luga na Venezuela. Mientras cu Merca y hopi pais Latino Americano a rechasa e reclamo di victoria di Maduro, China a felicit'e rapidamente, indicando su apoyo firme na su regimen. Analisadonan ta sugeri cu e apoyo di China ta wordo impulsa p'e deseo di proteha su inversion di \$60 biyon na Venezuela y sigura acceso continuo n'e reserva di petroleo di e nacion.

Venezuela, cu tin e reservanan di petroleo mas grandi di mundo, a ricibi casi mita di e total di prestamo di China na Latino America. Sinembargo, e politica socialista di e pais bou di Hugo Chávez y awor Maduro a conduci n'e colapso di e industria petrolero controla p'e Estado, cu un caida di e produccion y e incumplimento di Venezuela di su debe soberano na 2017.

A pesar di e agitacion economico aki, China ta sigui sostene Maduro enbes di su oponente mas orienta na mercado, Edmundo González, kende ta boga pa politica cu potencialmente por reactiva e economia y garantisa pago di e debe.

E sosten di China na Maduro no ta trata solamente di

interesnan financiero, pero tambe di aliansa strategico. E Partido Comunista Chines ta balora su relacionnan cu regimennan autoritario manera Venezuela, cu historicamente a alinea cu e posicionnan di China riba asuntonan global. Bou Maduro, Venezuela constantemente a apoya China den Nacionnan Uni y a sostene su reclamo teritorial, loke ta haci'e un aliado valioso den Latino America.

Maduro su aliniacion cu China ta extende mas leu cu e relacionnan economico, y Venezuela ta apoya e postura di China riba Taiwan, e South China Sea y Hong Kong. E asociacion strategico aki a bira mas profundo cu tempo, y Xi Jinping a actualisa e relacion pa un “asociacion strategico integral” aña pasa. Pa China, Venezuela ta representa un aliado clave den un region tradicionalmente domina pa influencia Mericano, dunando un contrapeso geopolitico y mehorando opcionnan militar di China.

Apoyando Maduro, China ta reforsa su strategia mas amplio di apoya regimen cu ta alinea cu su interesnan, independientemente di su legitimidad democratico. E enfoque aki ta refleha e relacionnan di China cu otro estadonan autoritario manera Nort Korea, Iran y Cuba, subrayando nan ambicionnan global y nan deseo pa inverti den aliansa cu ta desafia influencia occidental.

Delta ta critica CrowdStrike pa disculpa inadecua pa interrupcion masivo di servicio



DELTA Air Lines a critica fuertemente e compania di 'cyber security' CrowdStrike pa su maneho di un actualizacion di software recien cu a conduci na un interrupcion di servicio global masivo, causando cu Delta mester a cancela 7,000 vuelo durante cinco dia na Juli. Den un carta manda p'e abogado di Delta, David Boies, e aerolinea a acusa CrowdStrike di ta "sumamente negligente" y a minimalisa e sinceridad di e disculpa di e compania. E carta tambe a refuta e afirmacionnan di CrowdStrike y Microsoft cu e sistemanan di IT anticua di Delta y e rechazo di asistencia a prolonga e interrupcion.

E interrupcion di servicio, cu a cuminsa dia 19 di Juli, a wordo inicialmente reconoci pa CrowdStrike, pero e compania despues a sugeri cu Delta tabata responsabel p'e tempo di inactividad prolonga. Sinembargo, Delta a argumenta cu su sistemanan di IT ta di "clase mundial" y a culpa su dependencia riba CrowdStrike y Microsoft p'e interrupcion prolonga. Boies a enfatisa cu 60% di e sistemanan critico di Delta tabata depende riba e dos compania y nan fayonan a empeora e problemanan di e aerolinea.

CrowdStrike a responde afirmando cu nan a ofrece sosten

substancial dentro di algun ora di e interrupcion, contradiciendo e afirmacion di Delta di asistencia insuficiente. E compania a señala declaracionnan haci p'e miembro di hunta di directiva di Delta, David DeWalt, kende a elogia e esfuersonan di CrowdStrike. CrowdStrike a acusa Delta di promove un narrativa engañoso pa desvia culpa for di su maneho interno.

E disputa a escala despues cu e CEO di Delta, Ed Bastian, a acusa CrowdStrike publicamente di negligencia, declarando cu e compania no a provee sosten adecuado despues di e caida di sistema. Tanto CrowdStrike como Microsoft a responde, cu Microsoft alegando cu e mal maneho di Delta a contribui n'e cancelacionnan prolonga.

Mientras tension ta aumenta entre Delta y e companianan di tecnologia, Delta awor ta enfrenta retonan legal adicional. Pasaheronan a entrega un demanda colectivo contra e aerolinea, acusando e di nenga reembolsan durante e cancelacionnan masivo.

E Departamento di Transporte di Merca a lansa un investigacion riba e reclamonan aki, complicando e posicion di e aerolinea ainda mas.

Den medio di candela na planta nuclear na Zaporizhzhia

Forsa Ucrainiano a lansa un incursion grandi den Kursk di Rusia



FORSANAN Ucrainiano a desplega miles di trupa den un incursion significativa den e provincia di Kursk di Rusia, marcando e prome biaha cu e forsan regular di Kiev a ataca paden di Rusia desde cu e invasion a cuminsa na februari 2022. Fuentenan Ucrainiano a indica cu e operacion tin como meta pa destabilisa e defensa Ruso door di lansa atakenan lihe y rapido a traves di un sector di e front cu ta levemente defendi. Mientras cu Moscu inicialmente a sugeri cu e incursion a envolve varios cien trupa Ucrainiano, oficialnan Ucrainiano a confirma cu e cifranan ta mucho mas grandi, envolviendo multipel brigada.

Memey di e conflicto escalando, un candela a cuminsa n'e planta di energia nuclear di Zaporizhzhia ocupa pa Rusia,

situa 250 miya pazuid di Kursk. Presidente Ucrainiano Volodymyr Zelenskiy a acusa forsan Ruso di cende un toren di enfriamento na candela n'e planta, cu ta bou control di Rusia desde comienso di e guera. Aunke e reactor di e planta ta actualmente cera, Zelenskiy a adverti cu Rusia ta uzando su control di e sitio pa "chantagea Ucrania, henter Europa, y e mundo." Videonan a mostra huma saliendo for di e sitio, causando preocupacion tocante un posibel escalacion.

Den e incursion andando, forsan Ucrainiano a avansa te cu 18 miya paden di Rusia, yegando varios pueblonan noord y oost di Korenevo. Un canal di Telegram pro-Ucrania a publica un video di soldaatnan hisando e bandera Ucrainiano den e pueblo Ruso di Guevo, resaltando ainda mas e alcance di e ofensiva di Kiev. Ta kere cu e incursion ta dirigi na alivia presion riba e front oriental di Donbas, unda forsan Ruso a bin ta haciendo ganashi lento pero constante.

E respuesta di Rusia n'e incursion a envolve un mescla di guard-ianan di frontera recluta y forsan regional re-desplega, hibando na desorganizacion, segun analistanan. E Kremlin a entrega control di e respuesta n'e agencia di seguridad interno FSB di Rusia, declarando e situacion un "operacion di contraterorismo." Mientrastanto, den un incidente separa, un atake di misil cerca di Kiev a mata un homber y su yiu di cuater aña, subrayando e impacto continuo di e conflicto riba civilnan.

Mientras e situacion ta sigui desaroya, ambos banda ta preparando pa mas escalacion, cu e potencial pa consecuenecianan militar y civil significativo.



Mientras potencial ciclon tropical 5 ta acerca Caribe

Alarma di tormenta tropical emiti

MIENTRAS cu e temporada di horcan den Atlantico 2024 ta intensifica, e Centro Nacional di Horcan (NHC) a inicia avisonan riba Potencial Ciclon Tropical 5, cu gradualmente ta organisando su mes den e Atlantico Tropical Central, djis oost di e Islanan di Sotavento. Esaki ta bin despues di Horcan Debby, cu recientemente a yega tera na Florida prome cu el a debilita y suta South Carolina como un tormenta tropical. E formacion di e tormenta tambe ta sigui e desaroyo di Invest 98L, cual a transiciona den locual awor ta wordo monitoria como Potencial Ciclon Tropical 5.

E introduccion di e designacion “Potencial Ciclon Tropical” di NHC na 2017 ta permiti pa emiti aviso y advertencia pa sistemanan cu ainda no a desaroya completamente den depresion of tormentanan tropical pero cu ainda ta forma un menasa significante pa tera dentro di un periodo di 48 ora. E medida di precaucion aki ta segura cu areanan den riesgo por ricibi Alarma di Tormenta Tropical of Horcan na tempo, hasta prome cu e sistema di tempo consolida su mes.

Actualmente, Alarma di Tormenta Tropical a wordo emiti pa varios isla den Caribe, incluyendo Guadeloupe, St. Maarten,

St. Kitts, Nevis, Montserrat, Antigua, Barbuda, y Anguilla. Un Alarma di Tormenta Tropical ta indica cu condicionnan di tormenta tropical, caracteriza pa biento di 39 mph of mas halto, ta posibel dentro di e proximo dos dianan. E alarmanan aki ta un indicacion cla pa residentenan cuminsa preparacionnan pa tempo potencialmente severo, cu por trece biento peligroso y awasero pisa.

E NHC ta raporta cu ta premira cu Potencial Ciclon Tropical 5 lo continua su trayectoria west a traves di e Atlantico Tropical Central, cambiando gradualmente direccion noordwest mientras e ta acerca e Islanan di Caribe. Modelonan di pronostico actual ta sugeri cu e sistema lo cambia direccion noord despues di yega cerca di Puerto Rico, potencialmente reduciendo su impacto directo riba e continente Mericano pero ainda formando un menasa significante p’e region di Caribe.

Mientras e sistema ta desaroya, residentenan den Caribe y areanan rond ta wordo urgi pa keda informa door di monitoria actualisacion for di NHC y autoridadnan local. Preparacionnan mester wordo haci p’e posibilidad di condicionnan di tormenta tropical, incluyendo segura propiedad y tin suministro di emergencia cla. E situacion ta keda dinamico, y NHC lo sigui provee actualisacionnan regular mientras e tormenta ta progresa y su impacto potencial ta bira mas cla.







COMFORT, FOOD AND COCKTAILS

FOR SHOWTIMES AND ONLINE TICKETING:
WWW.CARIBBEANCINEMAS.COM

 **787-999-3292**

 **@caribbeancinemasaruba**

 **Caribbean Cinemas Aruba**

DOWNLOAD OUR APP





DEPORTE

deporte@awemainta.com

Taekwondo Team Aruba a presenta e relato di biahe di Miami



TAEKWONDO Team Aruba a presenta e relato di biahe di Miami durante un reunion. E team a biaha dia 29 di Juli pa 1 di Augustus 2024 pa participa na training y scrimmage organisa pa Master Russell Beneby y Master Antwaun Wilson.

Mayornan presente a keda hopi contento cu e relato. Nan a wak tur recibo di e gastonan den e relato di biahe di Miami. Tur gasto tabata minimo y controla pa Ivan Jansen pa spaar placa p'e siguiente biahe. E biahe a wordo realisa danki n'e bendemento di rifa cu tabata tin y collect cu a wordo haci door di e atletanan grandi. Tur placa ta wordo uza solamente pa cubri e gasto y biahenan di Taekwondo Team Aruba.

Den e dianan aki, Taekwondo Team Aruba ta rifa un Mini iPad, specialmente pa Back to School pa recauda fondo p'e biahe pa Corsou di e team di TK5. Taekwondo Team Aruba ta gradici Pueblo di Aruba cu semper ta contribui cu rifa y collect.



Louis Rees-Zammit ta impresiona den pre-temporada di NFL cu Chiefs



LOUIS Rees-Zammit, e ex-sensacion di rugby di Wales, a haci su debut hopi anticipa den NFL cu Kansas City Chiefs diasabra, demostrando su versatilidad atletico den nan partido di pre-temporada contra e Jacksonville Jaguars. Aunke relativamente desconoci pa fanaticonan di futbol Americano, Rees-Zammit ya caba ta destaca riba e escenario internacional, y su prome aparicion den NFL no a decepciona.

Den su debut, Rees-Zammit a mira accion den nueve snap ofensivo, representando 15 porciento di e hugadanan di Chiefs, y a participa den cuater hugada di ekiponan special, totalisando 16 porciento di e snapnan di e unidad. Mientras cu su estadistica tabata modesto—dos careda pa un yarda y un recepcion pa tres yarda—su contribucionnan tabata significante den otro areanan.

Notablemente, Rees-Zammit a haci un tackle riba un regreso di punt, demostrando su capacidadnan defensivo, y hasta a maneha un kickoff den e di dos mita, un asignacion inusual pa un running back.

E kickoff di Rees-Zammit a pone e bala n'e liña di nueve yarda di Jacksonville, cu e Jaguars regresando esaki te na

nan propio 32. E esfuerso aki ta destaca e experimentacion strategico di Chiefs bou di e reglanan nobo di kickoff di NFL, cu por faborece hungado cu habilidad diverso manera Rees-Zammit. Door di permiti'e maneha e kickoff, Chiefs ta explorando e beneficianan potencial di usa un hungado di posicion cu no solamente por scop pero tambe persigui, deshaci di blokeo, y haci tackle.

E kicker regular di Chiefs, Harrison Butker, a maneha mayoria di e kickoff durante e wega, pero e envolvimento di Rees-Zammit ta sugeri cu e ekipo ta habri pa acercamentonan innovativo riba ekiponan special. Su background den rugby ta provee un bentaha unico den e contexto aki, ofreciendo Chiefs un capa adicional di flexibilidad mientras nan ta nabega e reglanan nobo y busca pa optimalisa e rendimiento di nan ekiponan special.

E debut di Rees-Zammit por tabata cortico, pero el a ofrece un bista di su potencial pa adapta y sobresali den NFL. Mientras e pre-temporada ta progresa, tur wowo lo ta riba con Chiefs ta sigui integra e strea di rugby aki den nan rooster, probechando di su habilidad diverso den un liga conoci pa su especializacion.



Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax


Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Aumento di temperatura ta menasa futuro di Weganan Olimpico



MIENTRAS cu e Weganan Olimpico di Paris a yega su fin, preocupacionnan ta creciendo tocante e futuro di e Weganan di Verano segun cu calor extremo ta bira un menasa serio. Pa aña 2050, hopi ciudad cu actualmente ta capaz di organisa e evento por ta demasiado cayente, segun un analisis di CNN di e datonan di CarbonPlan. E analisis aki ta destaca cu e aumento di temperatura global, causa pa polucion di combustibel fosil, ta pushando ciudadnan mas aleu di e limitenan sigur pa atletanan y publico.

Temperatura di globo di bulbo humedo (WBGT), cu ta midi stress di calor combinando temperatura, humedad, velocidad di biento, angulo di solo, y nubosidad, ta indica cu gran parti di e parti oost di Merca, incluyendo e ciudad anfitrión anterior Atlanta, lo surpasa nivelnan sigur pa 2050. Preocupacionnan similar ta extende pa ciudadnan na China, Zuidoost Asia, y e region di Golfo di Mexico. Segun cu temperatura ta subi, luganan tradicional di Weganan Olimpico di Verano por no ta viabel mas.

Sugerencianan pa mitiga e riesgonan aki ta inclui reprograma e Weganan pa temporada mas fresco, manera a wordo haci

na Sydney 2000 y e proximo Brisbane 2032, cu lo wordo teni durante e winter di Hemisferio Sur. Algun experto tambe ta boga pa cambionan den regla, manera permiti mas substitucion den deportenan, pa reduci e riesgo di malesanan relaciona cu calor.

Mientras mas cu 10 pais ta expresa interes den organisa e Weganan Olimpico di Verano 2036, ciudadnan manera Doha, Istanbul, y Ahmedabad, cu lo wordo afecta significativamente pa calor, por tin mester di reconsidera nan ofertanan of ahusta nan tempo pa evita e temperaturanan halto di zomer. Solamente algun ciudad, manera Santiago, Chile, ta keda bou di e umbral critico di stress di calor henter aña, haciendo nan opcionnan mas sigur pa Weganan futuro.

E implicacion ta cla: sin cambionan significante na schedule y planificacion, hopi ciudad cu a organisa e Weganan Olimpico di Verano den pasado, incluyendo Beijing, Atenas, y Tokyo, por ta mucho cayente pa haci esaki atrobe pa 2050. E urgencia pa atende e problema aki ta aumentando mientras cambio climatico ta sigui impacta patronchinan di tempo global.

Pa captura e titulo di peso pluma di IBF

Angelo Leo ta sorprende Luis Alberto Lopez cu un knockout devastador



DEN un buelta dramático di eventonan, Angelo Leo a shock e mundo di boxeo cu un knockout impecabel di un solo golpi cu a derota Luis Alberto Lopez diasabra anochi, sigurando e titulo di peso pluma di IBF. E pelea, teni na Tingley Coliseum na Albuquerque, New Mexico, a culmina den e di 10 rond ora Leo a entrega un hook robes perfectamente calcula cu a manda Lopez abou riba e mat, terminando e pelea instantaneamente.

E knockout tabata un culminacion di lunanan di preparacion pa Leo, kende a revela despues di e pelea cu e hook robes decisivo no tabata un accidente. “E hook robes ey, nos a bin ta practic’e henter e campamento,” Leo a bisa Bernardo Osuna di ESPN. “Pa cuatro of cinco luna, mi a bin ta practic’e... y el a duna resultado den e di 10 rond.” E knockout a marca un logro significativo den e carera di Leo, extendiendo su racha di victoria na cinco y mehorando su record na 25-1.

E victoria di Leo tabata specialmente remarcabel considerando e trayectoria impresionante di Lopez. E ex-campeon

di peso pluma di IBF a drenta e pelea cu un record di 30-2 y a defende su titulo exitosamente tres biaha desde cu el a gana esaki prome na december 2022. Lopez, kende tabata riba un racha di 13 victoria consecutivo desde 2019, tabata completamente sin preparacion pa e golpi cu a termina su reinado.

Cu e titulo di peso pluma di IBF awor den su posesion, Leo ta ansioso pa enfrente mas reto. El a expresa su deseo pa unifica titulonnan door di reta e campeón di WBO Rafael Espinoza y e campeón indiscutibel di super peso gallo Naoya Inoue. “Mi kier bringa contra tur e campeonnan,” Leo a declara, señalando su ambicion pa domina e division di 126 liber.

E knockout no solamente a sigura e luga di Leo como e campeón nobo di peso pluma di IBF pero tambe a posicion’e como un fuerte candidato pa Knockout di Aña. E precision y poder di su golpi a laga fanatico y analistanan asombra, mustrandó e potencial pa logronan ainda mas grandi den su carera di boxeo.

CULTURA Y HISTORIA

Aruba: Nos Rikesa

Fonteinplantage:

Un icono historico, ecologico y turistico di Aruba

Fonteinplantage na Aruba ta mucho mas cu un sitio historico; e ta un luga unda historia, ecologia y atraccionnan turistico di e isla ta uni. Situa den Parke Nacional Arikok, e plantacion aki ta ofrece un bista unico riba e pasado di Aruba, mientras cu na mes momento e ta brinda un tesoro di rikesanan natural y oportunidadnan recreativo.

Tempo Pre-Colonial: E Herencia di e Indjannan Arawak

Hopi tempo prome cu Europeonan a yega Aruba, e area rond di e Fonteinplantage actual tabata wordo habita p'e Indjannan Arawak. E poblacion nativo aki a haci uzo di e fuente natural cu tabata presente eyan, cual a duna e plantacion su nomber. E Arawaknan a laga nan rastro atras den forma di pinturanan riba baranca, cu ainda awe por wordo admira. E pinturanan aki ta ofrece un bista fascinante den e bida y cultura di e habitantenan original di Aruba.

Sclavitud: E Historia Scur di e Plantacion

Mescos cu hopi otro plantacion na Aruba, Fonteinplantage a wordo construi y manteni pa esclavonan. E periodo di sclavitud aki a hunga un rol crucial den e economia di e plantacion y tabatin un impacto profundo riba e bida di e hendenan cu a traha eyan. E esclavonan tabata percursa p'e cultivo di productonan y mantencion di e plantacion, pero nan trabou duro y sufrimento hopi biaha ta wordo eclipsa p'e storia di e doñonan y e beneficio economico di e plantacionnan.

Cambio den Uzo: Di Plantacion pa Parke Nacional

Cu e abolicion di sclavitud, e uzo di hopi plantacion na Aruba a cambia, incluyendo Fonteinplantage. Mientras algun plantacion a wordo transforma den cunucu chikito, otronan a bay den decadencia. Sinembargo, Fonteinplantage a haya un destinacion nobo den Parke Nacional Arikok. E transformacion aki a sigura cu e importancia historico y ecologico di e plantacion a keda conserva y ta accesibel pa tanto habitante como bishitantenan di e isla.

Importancia Ecologico: Un Tesoro di Biodiversidad

E area rond di Fonteinplantage ta di gran importancia ecologico. E ta alberga un variedad di mata y animal, incluyendo espienan endemico cu ta existi solamente na Aruba. E fuente natural, cu un tempo a provee awa n'e Arawaknan y despues n'e esclavonan, ainda ta hunga un rol crucial den e



ecosistema di e Parke. E fuente aki ta un vena vital p'e flora y fauna den e area y ta contribui n'e biodiversidad cu ta haci Parke Nacional Arikok asina special.

Turismo: Un Rikesa di Experiencia

Awendia, Fonteinplantage ta un destinacion popular pa turistanan cu ta interesa den e historia, cultura y naturalesa di Aruba. Bishitantenan por explora e ruinan di e plantacion, admira e pinturanan antiguo riba baranca y disfruta di e beyesa natural di e Parke. Tin diferente ruta di caminata den e area cu ta ofrece bishitantenan e oportunidad pa descubri e luga unico aki na nan propio ritmo.

Parke Nacional Arikok tambe ta ofrece programanan educativo pa scol y otro gruponan. E programanan aki ta splica e historia y importancia di Fonteinplantage, y ta accentua e importancia di conservacion di tanto e herencia cultural como ecologico di Aruba.

Un Herencia Multifuncional

Fonteinplantage ta un prueba bibo di e historia rico y compleho di Aruba. For di e tempo pre-colonial di e Arawaknan, pasando door di e periodo scur di sclavitud, te n'e tempo moderno como parti di un parke nacional, e plantacion ta conta un storia cu tin hopi capa. Ademá, e area ta hunga un rol crucial den e conservacion di e diversidad ecologico di Aruba y ta ofrece un abundancia di oportunidad pa turista y gruponan educativo. Fonteinplantage ta un destinacion indispensable pa tur hende cu kier compronde y aprecia Aruba.

Lider di fraccion MAS Marisol Tromp:

Maneho financiero actual di Aruba no ta cuadra cu expectativa di Hulanda



DURANTE e bishita di cortesía di secretario di estado di Asuntonan di Reino y Digitalisacion Zsolt Szabo el a cera conoci cu algun parlamentario y a pone énfasis riba e importancia di tin resultadonan den termino largo pa loke ta trata bon gobernacion, un finansa público sólido y un economía duradero.

Den cuadro di esaki, Fraccion MAS a haci un petición na Gobierno pa duna un relato mensual detaya por escrito na Parlamento encunto e proceso cual Hulanda y Aruba ta encamina pa finalisa e Rijkswet, cual lo mester bin na vigor otro aña. E motibo pa e petición aki ta basa riba e preocupacion cu MAS tin riba e maneho financiero di Minister Xiomara Maduro.

Ta asina cu prome cu ex-Secretario di estado Van Huffelen a baha, el a informa Tweede Kamer di Hulanda, basa riba un investigación recientemente haci cual ta e asina yama 'Beleids-evaluatie Protocolen Aruba-Nederland'. Den e investigación aki a laga investiga con leu Xiomara Maduro a cumpli cu e palabracionnan haci na 2015, 2018 y 2022. E resultadonan cual a bin dilanti den e rapport no tabata nada

di gaba! Palabranan uza tabata: 'doelstelling van verbeterd financieel beheer is niet gerealiseerd', 'financieel beheer van Aruba blijft zwak', 'Aruba loopt achter met de jaarrekeningen', 'informatie daarin is onvoldoende betrouwbaar' y 'uitvoerings- en verantwoordingsinformatie komt vaak te laat'. Pues despues di tanto esfuerzo haci, toch e maneho financiero di Xiomara Maduro a keda zwak.

Tambe su entrega di rapportnan financiero pa duna cuenta cada kwartaal (uitvoeringsrapportage) na CAft ta hopi biahá laat. Y no ni papia mes riba e cuentanan anual di Pais Aruba di 2019 y bay ariba, cual tambe ta hopi laat y pues no a yega Parlamento ainda! Conforme ley di contabilidad, e rapportnan aki (jaarrekeningen) ta importante pa Parlamento por haci su debido control riba e gastonan haci contra loke a wordo presupuesta pa cada minister den cada aña. Cu otro palabra, asina nos por wak di berdad na unda placa di pueblo ta bay!

APPAREL **BOAT ACCESSORIES**

TODOMAR

f TodomarAruba @TodomarAruba TodomarAruba +297 585 0555

FISHING TACKLE **FIBERGLASS PRODUCTS**

Eric Ras(Curpa):

A bira tempo pa pueblo sali for di e circulo vicioso di politiconan gañado

SI nan gaña bo un biaha ta nan culpa. Si nan gaña bo pa di dos biaha ta bo culpa paso bo no mester un gañado. Si nan a gaña bo hopi biaha y bo a vota pa nan ta paso bo ta nan fiel votado. Aruba pa ultimo 22 aña a wordo goberna pa politiconan gañado cu durante campaña ta priminti shelo riba tera pero ora ta den gobierno nan promesa di campaña ta bira medida. A bira tempo pa pueblo di Aruba sali for di e circulo vicioso di politiconan gañado. Nos por corda riba e promesa di Minister-president cu durante campaña a laga sa di a studia e materia y cu partido MEP den gobierno lo goberna sin medida. Un otro promesa falso ta di Minister Glenbert Croes cu a gaña Monchi cu prome cu 31 di december lo baha edad di pensioen. Kisas ta paso e no a bisa Monchi ki aña of ta despues cu ya monchi a muri caba.

Falta un 10 luna pa tin eleccion y nos por mira partido MEP ta gaba di a subi reparatietoestag na 360 florin pa aña pero

no kier bisa e pensionadonan cu nan a haya solamente awg.30,= riba e reparatietoestag. Partido MEP ta kere cu e pensionadonan ta bobo y lo gradici gobierno p'e gran logro di e awg.30,- cu nan ta ricibi. E awg.30,- no ta yega ni pa cumpra un saco di pinda.

Minister president a reuni cu e taxistanan cu ta protesta pa maneho di Minister Arends cu parece a tuma un postura cu no ta habri pa negocia. Despues a yama un Ministerraad extra ordinario sin resultado. Parece cu Minister Arends a laga sa cu e no ta hala atras. Segun informacion cu nos di partido Curpa a ricibi ta cu Minister Arends a pone cuchiu riba mesa y si no tin sosten di Ministernan lo e entrega Gabinete Wever Croes na gobernador. Ministernan di partido MEP a dobla y a papia un toontje lager pa gobierno no cay.

For di hopi tempo caba e matrimonio di e coalicion aki ta drumi cama separa. Cada dia e situacion ta bira mas pio. Parece cu Minister Arends lo no bay firma e ontheffing tampoco pa Embassy Suites. Esaki lo bira un otro caso den corte cu nos ta kere cu Embassy Suites casi sigur lo bay pidi un dwangsom contra di gobierno. Nada nobo p'e Minister caprichoso aki. Minister Arends no a cumpli cu veredicto di hues pa alivia Amsterdam Manor di e holo stinki y gobierno ta hay'e ta paga un dwangsom. Asina gobierno ta malgasta placa di pueblo. Ministernan ta kere cu nan ta doño di e placa di belasting cu pueblo ta paga y cu nan no por wordo poni personalmente responsabel. Macaco ta hunga cu su yiu te ora e saca su wowo. Wel e wowo di e macaco cu yama partido MEP y RAIZ su wowo a wordo saca.

E tempo di Dios ta perfecto y e luna di augustus aki ta un luna perfecto p'e gobierno basha den otro. Pueblo no por mas cu un gobierno di desastre. E supuesto parlamentari-onan cristian a bira ciego p'e realidad alarmante existente causa p'e mal gobernacion. Nan ta complice di maldad y kier sigui cubri e maldad di e gobierno aki. Dios spaar nos dushi isla pa locual cu ta na caminda.

E proximo eleccion pueblo lo haya chens pa vota pa un cambio y no vota pa un partido cu no tin temor di Dios. Partido MEP t'esun cu a traha e handboek di Aruba National Gender Policy p'esey mes nan ta contento cu e resultado di cassatie. Partido Curpa e unico alternativa.



Juni Croes (AVP):

Partido MEP a laga taxistanan na caya pa por keda na poder



PARTIDO MEP semper ta conoci pa a traha y yuda un grupo selecta y privilegia y tur esnan cerca di nan den nos comunidad y asina aki MEP a bira famoso p'e lema di "friends and family" y ta un Partido cu ta laga e mayoria di pueblo semper un banda y ta pone medida ariba pueblo pa por sigui acomoda su hendenan den diferente funcionnan publico y tambe ta enrikece

un oficina di abogado conoci pa pueblo como oficina di papa.

Pero pa prome biaha den historia, MEP a laga su mesun hendenan, esnan cu semper a para bandi'nan, na caya, pa por keda na poder. Aparentemente e poder aki tin mas balor cu hende su pan y nan futuro. Minister Ursell Arends cu "al estilo" di un dictador a demostra cu e no ta tene cuenta cu MEP su hendenan. Cu e ta manda, y ora tur esnan cu mayoria ta MEP a core bay bestuurskantoor cu un speransa grandi, pasobra e prome Minister lo bay papia cu e Minister di e Partido chikito di 2 asiento y e taxistanan tabata asina sigur cu nan Lider Evelyn Wever Croes y e otro Ministernan di MEP si lo pone Minister Ursell Arends hala atras su decision, a resulta cu e Ministernan di MEP, un pa un a dobla p'e Minister di RAIZ.

Y e Minister aki, cu a demostra cu e ta un copia barata di Maduro di Venezuela, a sali mas fuerte ainda contra e taxistanan, despues di a papia cu e Ministernan di MEP. Practicamente e la demostra cu den politica cu e matematica, no ta manera nan a siña nos na school, pero cu den politica 2 por ta mas cu 9. Por a simplemente dialoga y asina Evita cu nos economia wordo paralisa pa un protesta cu tabata uno pacifico, pero a scoge toch pa manda Riot commando. Tur esaki pa culpa di un maneho dictatorial di e Minister Ursell Arends cu ta den gobierno danki na 2 asiento y esaki semper t'e peliger di tin un Partido chikito den gobierno.

MEP a laga un Minister, esun cu a converti nos pais Aruba den un Dump, unda Aruba ta mas sushi cu nunca, Un pais cu cada rato ta Sali awa di riool tur caminda, Un Minister cu ta bringa un Hotel pa ponemento di un Beach, Un Minister cu a mostra cu ningun hende lo pone hala su decision aden. Minister di RAIZ a demostra cu e por haci y deshaci na su antoho y no tin hende of Minister cu lo pare'le.

Un Minister cu ta bringa cu tur hende, ta bringa contra hotel, cu ta bringa contra taxista, un Minister cu ta impone y ta dicidi ki ora abo por bay para oras den rij pa tira sushi afo, ora e t'esun cu ta dicidi ki dia ta pone baki di sushi den bario, mientrastanto cu e no haci esey, e pueblo tin di warda su sushi na cas mes of e ta obliga di pone hende actua contra ley y tira sushi tur caminda, algo cu nos ningun lo kier pa esey pasa, pasobra al final ta nos isla cu nos mester cuida.

Socialismo ta un status peligroso, pasobra socialismo ta drenta atraves di voto. atraves di eleccion, pero unabes na poder, esnan socialista no kier bandona poder y no por wordo baha bek atraves di voto, ta loke ta pasando na Venezuela, unda gobierno ta dicidi ariba tur instancia y institucion nan. Nos na Aruba poco poco, pero sigur ta bayendo den e direccion aki unda un Partido MEP cu ta ciega pa poder a laga su mesun hendenan na caya, imagina e resto di e pueblo cu nunca nan a traha pa nan. Ami ta duda cu e MEP di BETICO of e MEP di NEL lo a laga su hendenan cay di e manera aki. E MEP ey a pasa pa historia hopi tempo caba, hopi a realisa esey caba, pero mi ta spera cu awo si mas hende lo por ripara esaki tambe.

Taxistanan, pensionadonan, y esnan di salario minimo cu kier mira cambio, otro eleccion ta bo oportunidad y kisas lo por t'e ultimo oportunidad tambe pa un cambio di berdad aki na Aruba, y esey lo pasa solamente si pueblo vota masalmente pa Partido AVP, cu a demostra cu e ta para tras di henter e pueblo, sin importa color politico di nos ciudadanonan.

Stimami. Sterilisami.

REGISTRA AWO

Y BENEFICIA DI NOS SUBSIDIO CU TA CUBRI TE CU 45% DI E COSTO DI STERILISACION DI BO MASCOTA Y UN MICROCHIP GRATIS!

PA MAS INFORMACION BISHITA: WWW.STIMAMISTERILISAMI.COM



Beauty Bar
by Jen

+297 730 1486

SABANA BLANCO 40
ORANJESTAD, ARUBA



Beauty Bar P.M.U & LASH ARTIST **By JEN**

Specialised in

*Brows, lips & Eyeliner ♦ Pedicure ♦ Microblading
♦ Powderbrows ♦ Threading ♦ Brow Lamination
♦ Lip pigmentation & blush ♦ Eyeliner*

 Beauty Bar by Jen

 beautybar_byjen

Reunion structural cu SPA tocante varios topico pa cu KPA



DIABIerna mainta, Minister di Husticia y Asuntonan Social sr. Rocco Tjon, a reuni cu Sindicato di Polis di Aruba (SPA), un reunion sumamente positivo caminda a duna splicacion riba diferente punto, principalmente uniform pa Cuerpo Policial.

Manera ta conoci, tur diabierna Ministerio di Husticia y Asuntonan Social tin e espacio habri, pa reuni cu SPA, pa delibera diferente puntonan. A toca e parti di uniform pa Cuerpo Policial, cual ta un punto di preocupacion pa SPA, di cual a haya un splicacion amplio di e proceso pa loke ta trata e parti aki. Recientemente e pago a wordo haci n'e compania di Hulanda cu a gana e destaho, y a conta cu e preferencia di Cuerpo Policial. Pues, si tur cos cana segun planeamento, pa december di e aña aki, e uniformnan aki lo wordo entrega.

Tur e midinan a wordo manda p'e compania, p'asina nan por cuminsa fabrica e uniformnan. Otro topico cu a toca, t'e parti di trafico, e proyecto di "takel en bewaardienst" ta andando, caminda un compania externo ta bay maneha henter e proceso aki pa Cuerpo Policial. Di e forma aki, ora un Agente Policial tuma nota cu un auto no ta cumpli cu e rekisitonan nan por kita e auto aki for di caminda y e ta wordo hiba n'e compania aki, cu ta cumpli cu tur e criterionan segun ley. Asina lo bay garantiza mucho mas seguridad den trafico, e contract ta cla y lo wordo revisa aworaki.

Ademas a papia tocante e mobile dataterminals. Manera ta conoci, Cuerpo Policial a haya vehiculonan completamente nobo, y un di e puntonan cu a percura pa hinca den e destaho ta, pa por bay instala e mobile dataterminals, cual ta computernan cu lo wordo instala den e autonan di Polis, p'asina nan por brinda un miho servicio y alabes ricibi mas informacion pa di e forma ey eleva nan propio seguridad. E proceso aki a cuminsa caba, caminda e oferta pa loke ta trata e proyecto piloto a wordo entrega y dentro di poco lo cuminsa cu e instalacion di e prome vehiculonan cu e mobile dataterminals.

Por ultimo, a papia tocante e proyecto di portofon, cual ta uno sumamente importante tambe pa Cuerpo Policial y ta forma parti tambe di e Operation Command Center. Tur cos ta canando segun planeamento y e comision cu a cana henter e proceso aki, a haci nan escogencia y pa october di e aña aki tur portofon lo wordo entrega na Cuerpo Policial. Pa prome bes a scoge esaki, caminda cada Agente Policial lo haya su propio portofon p'asina por garantiza mas integridad pa loke ta trata e aspecto aki p'e Agentenan Policial.

DTP a haci inspeccion standard riba diasabra segun schedule



DIASABRA 10 di augustus 2024, Departamento Transporte Publico (DTP) su section di Inspectie a presenta na aeropuerto como procedura standard di varios diasabra. E tareanan aki ta importante pa mitiga e chens cu ilegalidad y irregularidad tuma lugá.

Berdad ta cu a cera e diabierna anterior aeropuerto pa motibo di problemanan tecnico cu airco. Esaki no ta kita cu DTP lo eherce su tarea

di diasabra conforme schedule. Alabes a opta pa bin mas tempran pa eventualmente yuda cu logistica te unda tin mester. E intencion, fuera di e proceso di control normal, ta pa tambe recorda e diferente vergunninghouders riba nan obligacionnan conforme locual tin para den nan decreto cu a acepta na momento di acepta un vergunning.

Aparentemente esaki no a cay den bon tera, sigur no cerca esnan cu no tabata cumpliendo cu nan obligacionnan mara na e diferente decretonan. Alabes medianan cu pa otro motibonan tabata na airport a dicidi di saca un relato sin ningun rato acerca DTP su dirigentenan pa verifica si di berdad ta bou orden di gobierno a haci control.

Esaki ta hopi di lamenta, mirando cu e trahadonan di DTP cu hopi entusiasmo ta eherce nan tareanan diario sin mester ser instrui door di gobierno. DTP tin su estructura pa logra e meta pa cual el a keda institui y ta haci esaki cu e capacidad humano disponibel.

Ta lamenta cu no ta acerca pa puntra prome cu publica relatonan cu no ta corecto. Alabes mester remarca cu no mester tin miedo di control ni presencia di DTP, si abo como vergunninghouder sa cu bo documentonan ta na ordo y tambe cu bo tin disponibel eventual contractonan pa haci e tarea pa cual motibo bo ta na aeropuerto.

Finalisando kier informa cu e trahadonan tabata presente y si a mira por ehempel cu un T/O no tabata tin su nomber riba e vehiculo cual ta para den su decreto of no tin sticker di keuring etc. tabata record'e riba esaki. Igualmente taxi cu no tabata tin señal di taxi riba nan vehiculo, keuringstickers valido, etc.

Claro cu esnan cu no a cumpli cu e reglanan stipula segun nan vergunning a ricibi nan rapport cu por tin consecuencia grave pa nan vergunning concerni.

Pa conclui por remarca cu tur dia DTP ta na aeropuerto pa haci su tareanan. Vooral den piekuren cu ya for di varios tempo ta bin ta haci caba. DTP no a haci nada cu ta stroba operacion di niun tipo di personenvervoer.

Ta di compronde tambe cu si acaso observa algo cu no ta klop p.e. ta visibel cu no tin un sticker di keuring, no tin nomber di e compania ariba e vehiculo T/O, etc. DTP lo asumi su tarea pa adverti e vergunninghouder.

Ta importante pa stop di bagatelisa y/of trata di mina autoridad di un departamento cu a institui pa garantisa nos bishitantenan un transporte adecua y conforme kico nan ta exige y paga p'e.

Tridium na Honor di Milagroso Nino Hesus di Praga

Diahuebs 22 augustus lo cuminsa un Tridium na honor di nos dushi Nino Hesus di Praga den misa San Francisco na Playa.

Esaki lo tuma lugar pa 6:00 or di atardi.

Un invitación ta bay den nomber di nos Pastoor di Playa y tambe den nomber di su debotonan pa tur hende y especialmente nos muchanan pa asisti na e Tridium aki.

Diadomingo, 25 augustus 2024 nos lo celebra Fiesta di Nino Hesus di Praga. Pa medio di esaki nos kier a invita tur nos rumannan pa asisti na un Santo Sacrificio di Misa na Honor di Nino Hesus di Praga pa 11:00 or di mainta na Misa San Francisco na Playa.

(Tres promesa di Nino Hesus di Praga)

Lo Mi tene piedad di Boso,

Lo mi duna Boso Paz,

Lo mi bendiciona Boso.

Señora Leone Jansen a ricibi reconocimiento

Pa 27 aña di dedicacion den sector di turismo

DURANTE e apertura di e Recruitment Office di Secrets na San Nicolas, Gobierno di Aruba a duna un merecido reconocimiento na señora Leone Jansen.

Señora Leone Jansen, a traha 27 aña den e sector hotelero di Aruba. Prome na Holiday Inn Hotel y despues na Concorde Hotel. Señora Leone ta biba pariba di brug y tur dia tawata bay traha te na Holiday Inn Hotel y Concorde Hotel pa tur e añanan di su carera. Señora Leone tin ocho yiu y ta bendiciona cu hopi nieto, bisanieto y tataranieto.

“Ta un honor pa Gobierno di Aruba reconoce e gran persona aki awe pa su contribucion den e sector di turismo di Aruba. E ta un ehempel di un hende muhe fuerte, luchado, cu ta lanta mainta cu gana di traha y a pesar di e distancia di su cas pa su trabou y cu tur dia e mester tuma transporte pa bay y bin bek cas, a sa di hiba su famia padilanti.

Mi ta gradici y reconoce señora Leone den nomber di Gobierno di Aruba. E ta un inspiracion pa hopi y sigur pa mi persona y pa hopi hende muhe pa su dedicacion tanto na su famia como na su trabou”, Prome Minister a expresa.



Invitacion pa duna un man n'e unico Centro Pastoral di pais Aruba



E benta di e bingo aki ta cay bou di Bingo Aruba, ta pa recauda fondo pa yuda Centro Pastoral Aruba (CPA) y Pastoral Hubenil Aruba (PHA) y ta den full swing. Nos ta den e ultimo dianoan prome cu e bingo tuma luga diasabra 24 di augustus pa 7pm via Cable Canal 48 Diario TV. Ya caba por haya bingo cumpra na balor di Afl.10,00 n'e siguiente puntonan di benta: Shiribana Bingo Center na Paradera y Queen Euro Bingo Center na Noord.

Diasabra 17 di augustus e punto di benta t'e aula di CPA, bo por pasa cumpra bo bingo den tur tranquilidad y haya mas informacion. Ta uza e porta pabou di parkeerplaats di misa di Santa Cruz y e orario ta 10am – 12pm y 4pm – 6pm.

Ban duna un man n'e unico Centro Pastoral di pais Aruba, cual ta wordo uza pa hopi actividad di mucha, hoben, adulto y pareha, tanto local como internacional y di indole educacional, cultural, social, spiritual y di formacion.

Gran parti el a dedica na Unidad di Trafico Despues di 36 aña Raymundo “Meester” Loefstop ta baha cu pensioen



RECIENTEMENTE a tuma luga un encuentro chikito na oficina di departamento di trafico. Coleganan como tambe alto comisario interino sr. Candelaria a bini hunto pa un ocasion special pa despedi di Meester Raymundo Loefstop.

Loefstop mihor conoci como Meester den Cuerpo Policial Aruba ta un persona charresquero, serio y amabel cu a dedica 36 aña sirbiendo su Pais na Cuerpo Policial Aruba.

Pa 33 aña largo Loefstop a dedica su mes na delpartamento di trafico. Su pasion y curason tabata na departamento di trafico di polis. Pa hopi aña oefstop a dedica hopi tempo, a duna sosten na diferente investigacion y sa y leynan di trafico detayadamente.

Despues di 36 aña Loefstop a dicidi a yega e momento pa e bay disfruta di su pensioen. Pero ariba su ultimo dia coleganan a yega hunto pa despedi di dje pero tambe recorda algun momento di alegria y dificil durante su trayectoria policial.

El a haya diferente regalo pero tambe e ultimo despedida oficial via Central di Polis gradiciendo e pa e 36 aña di dedicacion, tempo, amor y lealtad na Cuerpo Policial Aruba.

Danki Meester pa e añanan di bo servicio, no bay leu nos portanan Semper ta habri pa bo bishita! Gosa di bo pensioen merecidamente di parti bo famia di Cuerpo Policial Aruba.



RECETA DI DIA

Millian dollar spaghetti casserole

Un delicioso plato horna, un combinacion di spaghetti cu un cremoso mescla di keshi, carni y saus marinara

Ingrediente:

P'e carni

450 gram di carni mula of calacuna mula

1 siboyo chikito corta

3 djente di conoflok corta chikito

700 gram di saus marinara

Salo y pepper na gusto

P'e spaghetti

450 gram di spaghetti

Salo pa cushina e pasta

P'e mescla di keshi

225 gram di keshi crema, riba temperatura ambiente

1 cup di ricotta of cottage cheese

1 cup di sour cream

1 cup di keshi mozzarella raspa

½ cup di keshi parmesan raspa

P'e cover

1 cup di keshi mozzarella raspa

¼ cup di keshi parmesan raspa

Manteca pa hunta e forma

Instruccion

1. Prepara e carni: Den un panchi grandi, riba candela medio-halto, cushina e carni mula hunto cu siboyo corta y conoflok te ora cu e carni ta bruin y siboyo ta moli. Score e exceso di vet. Añadi e saus marinara n'e mescla di carni, sasona cu salo y pepper na gusto. Cushina riba candela abao durante 10-15 minuut.

2. Cushina e spaghetti: Mientras e carni ta cushina, herbe den un wea grandi cu awa y salo. Cushina e spaghetti segun e instruccion riba e paki te ora cu e ta al dente. Score bon.

3. Prepara e mescla di keshi: Den un comchi grandi, mescla e keshi crema, ricota (of cottage cheese), sour cream, 1 cup di keshi mozzarella raspa y ½ cup di keshi parmesan raspa. Combina bon te ora cu e mescla keda suave y diki.

4. Arma e casserole: Prekeinta e forno na 175°C (350°F). Vet levemente un forma pa horna (aproximadamente 23x33 cm). Pone e mita di e spaghetti cushina den bom di e forma. Extende e mescla di keshi di manera uniforme riba e



spaghetti. Pone e mita di e mescla di carni y saus riba e capa di keshi. Cubri e resto di e spaghetti. Agrega e carni y e saus restante riba dje.

5. Añadi e cover: Basha un cup di mozzarella raspa y ¼ cup di keshi parmesan riba e casserole.

6. Horna: Horna durante 30-35 minuut of hasta cu e parti ariba ta bubble y bruin. Si bo a desea, bo por cende e broil durante e ultimo 2-3 minuut pa e cushina mas ainda riba e parti ariba.

7. Sirbi: Lag'e reposa durante 10 minuut prome cu sirbi p'e por sinta bon.

Disfruta di e dushi y reconfortante plato aki.

Fortaleza pa Famia

Cristo Hesus a priminti, y awor nos tin cu prepara

UN di e promesa nan di mas bunita cu Cristo Hesus a duna nos ta para skirbi ta Juan 14:1-4 bisando: No laga boso curason bira intrankil: kere den Dios, kere tambe den Mi. Den cas di Mi Tata tin hopi luga di biba, si no tabata asina, lo Mi a bisa boso, pasobra mi ta bay pa prepara un luga pa boso. Y ora Mi bay y prepara un luga pa boso, lo Mi bin atrobe y ricibi boso cerca Mi, pa caminda Ami ta, boso tambe por ta. Y boso sa unda Mi ta bay, y e caminda boso ta.

E manera cu mundo ta birando, criminalidad, inmoralidad, gira y terrorismo cu ta creciendo tur dia, ta haci hende intrankil, pasobra esun cu no ta kere den Cristo no tin e speransa di bay cu ne, na e momento cu E presenta riba e mundo, ta p'esey tambe Señor ta spierta tur hende den Lucas 21:34 bisando:

Tene cuidao pa boso curason no ta carga pa causa di paranda, y buracheria, y e preocupacion di bida, y e dia ey no bin diripiente, riba boso manera un trampa: pasobra e lo bini riba tur esnan cu ta biba riba superficie di mundo.

Ma sea alerta tur ora bay, haciendo oracion pa boso por tin, forsa pa scapa di tur e cosnan aki, cu ta bay tuma luga, y para dilanti di e Yiu di Hende.

Awor tur hende por mira cu mas claridad locual Dios a priminti den Juan 3:16, pero ya caba nos a cuminsa sinti e efecto di Juan 3:36.

P'esey nos Dios bondadoso a laga e promesa grandi pa nos bisando: P'esey si un hende ta den Cristo, ta un criatura nobo e ta: e cosnan bieu a pasa caba: ata: tur cos a bira nobo (2 Corintionan 5:17).

Y Dios ta bolbe confirma esey na nos den Romanonan 8:1-4 bisando: Cu no tin condenacion p'esnan cu ta den Cristo Hesus.

Ken lo por separa nos for di e amor di Cristo, tribulacion, angustia, persecucion, hamber, sunu, peligro of spada? Ma den tur e cosnan aki nos ta mas cu vencedor door di Esun cu a stima nos. Pasobra mi ta convenci cu ni morto, ni bida, ni angelnan, ni principado, ni cosnan presente, ni cosnan futuro, ni podernan, ni haltura, ni profundidad, ni ningun otro cos crea, lo por separa nos for di e amor di Dios, cu ta



den Cristo Hesus nos Señor (Romanonan 8:35-39).

Hesus a contesta y a bise: Si un hende ta stima Mi, e lo warda mi palabra, y Mi Tata lo stim'e, y Nos lo bin cerca dje, y biba cerca dje. Esun cu ta stima Mi ta warda Mi palabranan,, y e palabra cu boso ta tende no ta di Mi, ma di e Tata cu a manda Mi (Juan 15:23-24).

Ami ta e pan di bida, esun cu bini cerca Mi lo no haya hamber, y esun cu kere den Mi lo no haya set nunca (Juan 6:35).

Tur e promesanan aki ta pone nos realisa cu un bida sin Cristo ta un bida bashi y sin ningun clase di speransa. Tambe cu nos mester hiba un bida di oracion constantemente, pa asina nos por para firme den e dianan nan trabahoso aki

Maldad y Malisia ta wordo mira tur caminda, pasobra e mundo a bira manera ta para skirbi den Genesis 6:5.

E keda nos na pidi Señor su misericordia riba henter nos comunidad, y tambe pa tur hende por arepentí y biba pa Señor, pasobra esey t'e unico speransa cu hende por tin, pasobra di berdad e dianan ta malo.

Teologo y prome antipapa celebra pa su defensa di fe

Awe ta dia di San Hipolito di Roma



DIA 13 di augustus, Iglesia Catolico ta celebra e festividad di San Hipolito di Roma. San Hipolito tabata un teologo y escritor cristian di siglo III, reconocí pa su erudicion y su influencia den e teologia di iglesia primitivo.

Su Bida y contexto historico

San Hipolito a nace na Roma na año 179 y tabata un di e escritornan eclesiastico mas prolífico di su tempo. Durante su bida, iglesia tabata den un periodo di persecucion bao di e imperio Romano y e teologia cristian tabata den desarrayo, enfrentando diferente herehia. Hipolito ta conoci pa su oposicion fuerte na algun di e enseñansa di e papanan di su tempo, loke a hib'e na converti den e prome antipapa di historia di iglesia.

Controversia y Reconciliacion

Hipolito tabata un defensor di un interpretacion estricto di e doctrina y a opone na loke el a considera un relajacion di e disciplina eclesiastico bao Papa Calixto I. E oposicion aki a hib'e na un cisma y a wordo eligi antipapa, den

conflicto directo cu e autoridad di e papanan Calixto I y su sucesornan. Sinembargo, a pesar di e conflicto aki, Hipolito a sigui ta un cristian devoto y un teologo influyente.

Finalmente el a wordo aresta durante e persecucion di e cristiannan bao di emperador Maximo Tracius. El a wordo hiba n'e minanan di Sardinia hunto cu Papa Ponciano, caminda cu ambos a reconcilia nan diferencianan. E reconciliacion aki a wordo mira como un acto di humildad y unidad den e fe cristian. San Hipolito a muri den exilio probablemente na año 235.

Legado

San Hipolito ta wordo recorda pa su escrituranan teologico, specialmente e "Refutacion di tur e herehianan" y e "Tradicion Apostolico", cu a proporciona un vision valioso di liturgia y e estructura di iglesia den su tempo. A pesar di su historia di conflicto cu autoridad papal, Iglesia ta reconoce como un santo, destacando su contribucion na defensa di e fe cristian y su eventual reconciliacion cu iglesia.

E festividad di San Hipolito ta recorda nos e importancia di e unidad y e reconciliacion den e comunidad cristian, como tambe e balor di e defensa di fe.

CAREL ELEVATORSAUTHORIZED DISTRIBUTOR**OTIS**



HIACINTHA THIJSEN-TRIMON
28 DECEMBER 1942 - 11 AUGUSTUS 2024
Cu honda pena Gerencia, Staff y Personal di CAREL ELEVATORS ARUBA N.V. ta participa fayecimento di:
SRA. HIACINTHA THIJSEN-TRIMON
Mama di nos Propietario Sr. Andy Thijsen y Wela di nos Management Team Julika Thijsen y Chantal Thijsen.
Palabranan di profundo condolencia na su Esposo Jacinto "Jani" Thijsen, yuinan Rudolf "Andy" Thijsen y famia, Marlon Thijsen y famia, Darwin Thijsen y famia, Shannon Thijsen y famia, Suegra-, Nieto(a)nan y demas famia.
Cu Dios duna forza y consuelo den e dianan dificil aki.
Cu Sra. Hiacintha Thijsen-Trimon, Sosega na Paz.
Acto di entiero ta wordu anuncia despues.

IN LOVING memory



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:

Maria Graça Mendes

Mihor conoci como: "Graca"
*20-08-1944 - †29-07-2024
Viuda di Juancho Martina

Na number di su:

Yiunan:

Concesa Martina y Jose de Canha
Diego Martina

Nietanan:

Maria Elizabeth Toppenberg
Maria Guadalupe Koolman y Sidney Thiel

Bisanieto(a):

Noah van der Linden, Kiandra Thiel

Manera yiu:

Franco Richardson y Sandy
Antonia y Shahaira Erasmus

Rumannan na Madeira y Portugal

Amiganan di cas:

Sra Fatima Gomez y famia, Benina da Silva y
famia, Rosa Maria Alvez y famia, Gilda Orfão y
mama, Lucy do Nascimento y famia

Demas amigo y conocirnan na Aruba, Curacao,
Hulanda, Inglatera y Colonia Portugues

Ta invita pa e acto di despedida cu lo tuma
lugar **diamars 13 augustus 2024** na Aurora
Funeral Home di 2:00 pa 4:00 pm, sigi pa e acto
di cremacion den seno di famia.



Lagrima y floran por seca, su recuerdonan
y tur loke el a haci y significa pa nos, lo
keda graba pa semper
den nos mente y curason.

"Cerca Dios mi alma ta na paz, ta di DJ'E
mi salvacion ta bin"
Salmo 62:1

Cu inmenso tristesa nos ta anuncia
fayecimento di nos ser stima:

Sr. Pierre Romain Desormond

mihor conoci na Haïti como "Ton Pepe"
mihor conoci na Aruba como "Papa"
*08-02-1946 - †02-08-2024

Na number di:

Yiunan:

Walner, Ronald, Viviane, Stevenson,
Tamara, Adeline, Andre

Nieto(a)nan

Amiga stima mas di 20 año:

Delcina Louis

Rumannan na USA

Sobrino(a)nan

Sua y cuñanan

Primo(a)nan, amigonan, conocirnan y
bisiñanan

Amistad nan na Seaport Casino y Crystal
Casino

Coleganan di trabow na Hyatt Hotel y Total
Cleaning

Condolencia lo tuma lugar na Aurora
Funeral Home **diabierna 16 di augustus 2024**
di 7'or pa 9'or di anochi.

Entiero lo tuma lugar na Aurora Funeral
Home **diasabra 17 di augustus 2024** di 2'or
pa 4'or di atardi.

Despues lo sali pa Santana Central Sabana
Basora.



Gradicimento y invitacion

Den number di su rumannan, subrina(o)
nan, sobresubrina(o)nan y famia oplete,
kier a gradici tur esnan cu a haci acto di
presencia na e anochi di condolencia y dia
di entiero di nos defunto stima:

Swinda Olinda Tromp

Nos kier a duna danki na tur esnan cu a
duna atencion na bida, fayecimento y
entiero di nos Swinda stima.

Na tur esnan cu a sostene nos den nos
dolor y a manda nan condolencia via
medianan social, tarheta, krans, y/of
yamadan.

Bo(so) palabranan di sosten tabata di gran
consuelo pa nos famia.

Un danki special na Diacono Theo
Zievering, Randall Croes y tur e dokternan
cu tawata encarga cu su cuido medico.

Un danki di curason ta bay na Staff/
Personal di Cas di Machi pa e cuido duna
na Swinda. Por ultimo un danki na personal
di Royal Funeral Home pa nan tremendo
trabou, atencion y servicio.

Na mes momento kier a haci un invitacion
pa compaña nos na 3 Santo Sacrificio di
Misa cu lo tuma lugar na Misa St. Anna na
Noord:

Dialuna, 12 di augustus 2024, pa 6:30 pm.
Diaranson, 14 di augustus 2024, pa 6:30 pm.
Diabierna, 16 di augustus 2024, pa 6:30 pm.

Diabierna, 16 di augustus 2024, despues di
misa lo resa un rosario pa e descanso di
alma di nos Swinda stima, na Tanki Leendert
173 J.

Bo(so) presencia lo ta altamente aprecia.

Plachi pa graaf



Porcelana, granite of marble

- ✓ No ta cobra extra pa letter
- ✓ Servicio Rapido
- ✓ Installacion
- ✓ Material di Calidad
- ✓ Design

☎ 6990495



www.laycro.com



Laga tur loke ta spera mi, ta bunita.
Laga tur locual cu mi
 encontra na caminda, ta bunita.
Laga tur locual cu mi a laga atras,
 keda bunita.
Y laga esakinan termina den tur buniteza.
Autor: Cado Wever

Cu hopi tristeza pero agradecido pa
tur locual e la significa pa nos, famia ta
anuncia fayecimento di nos estimada
Esposa, Mama, Wela, Suegra, Ruman, Tanta
y Amiga stima:

**Sra. Gwendolyn Leonora
Winklaar – Simon**
Mihor conoci como "Gwenny"
* 5-09-1935 - † 8-08-2024

Nan number di su:
Esposo:
Hose "Joe" Winklaar

Yiu:
Michelle y Detlef Hooyboer

Nieto:
Donovan Hooyboer

Nieta:
Morgan Hooyboer

Rumannan:
† Rudolf Simon y famia
† Louis, Nelda Simon-Padilla y famia
† Muriel Simon y famia Vinck
† Charlie Simon, Hortencia y famia
John, Nia Simon-Geerman y famia
† Robby, Lichi Simon-Zievinger y famia
† Eddy, Annie Simon-Henraat y famia
† George, Aura Simon-Roga
Dornald Simon
Bernard Simon y famia
Roy, Ludwina Simon-Tromp y famia

Sobrino y Sobrinanan, primo y primanan,
amigo y amiganan di cas, amigo y
amiganan di Canada, bisinanan di
Rondweg, su amigo y amiganan di Cas di
Mi Chepa, Centro Kibrahacha y Amilia Care
Services

Demas famia na Aruba, Canada, Korsow,
Bonaire y Hulanda.

Na tur esnan cu nos por a lubida den nos
tristesa, nos ta pidi nos disculpa.

Ta invita tur famia, bisiña y conocirnan pa
asisti na e acto di condolencia cu lo tuma
lugar **diaranson 14 augustus 2024** di 9or pa
11or di mainta na Royal Funeral Home.

Despues lo tuma lugar acto di cremacion
den seno familiar cercano.

Tambe nos kier a pidi pa compaña nos den
bisti colornan alegre pa honra e persona cu
e la refleha durante henter su bida.

Nos ta lamenta cu despues di entierno no por
ricibi bishita di condolencia na cas.



"Señor ta mi wardador,
mi'n tin falta di nada
Den cunucu di yerba berde
e ta ponemi sosega.
E ta hibami na awa frankil,
Pa mi bolbe haña forsa".
Salmo: 23

Cu tristesa profundo nos ta anuncia
fallecimiento di:

**Maria
Rasmijn – Wernet**
*11-04-1943 - †09-08-2024
mihor conoci Mama Ia, Tanta Ia, Mama
viuda di John (Robby) Rasmijn
Ex- empleado di Concorde/Westin Hotel

Na number di su yiu:
John Rasmijn

Mescos cu yiu:
Georvin y Jorienne Angela

Rumannan:
†Frans & †Chimina Wernet-Maduro y famia
†Scolly & †Benny Vingal-Wernet y famia
†Rosa & †Panchito Geerman-Wernet y
famia
Angelita & Efraim Croes- Wernet
Do & †Foyen Wernet-Croes y famia
Ady & †Carlos Noguera-Wernet y famia
Mario & Lidia Wernet-Bislip y famia
†Leoncita (Cita) & †Robby Maduro-Wernet
y famia
†Rochi & Miriam Wernet-Larez y famia
Ronny & Jetty Wernet-Nasier y famia
Aura & †Johnny Kamperveen-Wernet y
famia
Roberto & Tarcila Wernet Arends y famia
†Benny & Viola Wernet-Wouters y famia

Sua y cuñanan:
Sra Vda. Joyce Orman-Rasmijn y famia
Rudy & †Reina Rasmijn-Maduro y famia
Glady's Rasmijn & †Micheal Krozendijk y
famia
Berry & †Corra Rasmijn-Droog na Hulanda y
famia
Ivonne Rasmijn & yiu
†Marcelina Rasmijn y yiu

Ihanan, primo y primanan, subrino y
subrinanan, comer y compernan, demas
famia y conocirnan

Ta invita pa e acto di entierno cual lo tuma
lugar **Diaranson 14 Augustus 2024** di 1or pa
4 or di atardi na Pray Funeral Home na San
Nicolas, despues lo sali pa Santana Central
na Sabana Basora.

Nos ta lamenta cu despues di entierno nos lo
no ricibi bishita di condolencia na cas.



2 Timoteo 4-7
Mi a lucha e bon lucha, mi a core a careda te
na fin y mi a mantene mi Fe.

Cu inmenso dolor na nos curason nos ta anuncia
fayecimento di nos omo, ruman y amigo stima:

Sr. Hipolito C. Tromp
Cariñosamente yama "Polito of Poli"
*09-07-1951 - †08-08-2024

Su mayornan:
† Anna Tromp - † Hipolito Tromp

Na number di su casa:
† Lucia Tromp-Croes

Yiu di criansa:
Shahayra Croes y famia

Manenera yiu:
Samantha Tromp

Su Rumannan:
Violanda Tromp y famia
† Juan Tromp
Sofia Tromp y famia
Maria y Tuyo Gomez y famia
Olga Kelly y Famia
Lidwina y Mito Feliciano y famia
Edwin Tromp y famia
Fortunata Tromp y Famia
Eveline Tromp y famia
Juan y Jacoba Gomez y famia

Mescos cu ruman:
Nicolina Tromp y famia
Simon Tromp y famia

Sobrino(a) nan:
Juni Wernet y famia, Mirella Wernet y famia,
Miloeschka Boekhoudt y famia,
Anthony Wernet y famia, Yvonne Tromp y famia,
Vivian Gomez y famia,
Francis Gomez y famia, Jeremy Kelly y famia,
Ramsis Gonzalez y famia,
Sherwin Gonzalez y famia, Melvin Gonzalez y
famia, Stefanie Tromp y famia,
Kimberly Tromp y famia, Natasha Tromp,
Samantha Tromp y pareha,
Edwin (JunJun) y famia, Soledad (Chichi) y famia,
Ludmery Feliciano y famia,
Elton Feliciano, Xiomara Gomez, Jeremy Gomez

Madrina:
Johanna Wolff

Padrino:
†Guillermo Tromp

Mihor amigonan, bisinanan, conocirnan, primo-y
primanan, sua y cuñanan, ihanan.

Tur su amigonan y ex coleganan di ATCO.

Nos disculpa si nos por a lubida algun famia of
conocir.

Demas famia: Tromp, Wernet, Gomez, Croes,
Kelly, Gonzalez, Feliciano, Fingal, Jeandor,
Oseanna, Giel, Farro, Bikker, Henriquez, de Cuba.

Ta invita pa e acto di condolencia y despedida
cu lo tuma lugar na Royal Funeral Home **diamars
13 di Augustus 2024** di 2'or pa 4'or di atardi.

Cremacion lo tuma lugar despues den seno
familiar.

Despues di despedida nos no por ricibi bishita di
condolencia na cas.



Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



noticia@awemainta.com
aviso@awemainta.com